

CIMELIA *kat.komp.*

Qu

6425



CHRISTOPHO
RI VARSAVICII EQVITIS
POLONI IN MORTEM MAXI
MILIANI SECVNDI IMPE
RATORIS ROMANI
ORATIO.



Ratisponæ M. D. LXXVI.

SACRATISSIMO
ET INVICTISSIMO PRINCIPI
RODOLPHO EIVS NOMINIS SECVN-
do. Diuina fauente clementia Romano Im-
peratori electo, Christophorus Var-
sauicius. S. D.

O Rationem, quam in obitum optimi & Sapien-
tissimi patris tui, hoc triduo composui, tibi po-
tissimum dedicandam iudicaui, Rodolphe tot Cæ-
sarum non modo glorię aut dignitatis hæres verum
etiã imitator virtutũ & factorũ. Quam si tu (vt spe-
ro) lubens accipies & eiusmodi genere obsequiũ læ-
tabere, prodibunt indubitato plura, quæ ad te fami-
liãq; tuam ornandam vel maxime pertinebunt. Iam
vero Deum precor optimum Maximũ, vt hæc ini-
tia gubernationis tuæ ad tuam & Christianæ Rei-
pub: Salutem atq; dignitatem redundare velit. Ra-
tisponæ Idibus Octob. Anno M. D. LXXVI.

Sacræ Romanæ Imperatoriæ Maiest. Vestræ.

Deuotissimus & fidelissimus seruus
Varsauicius.



Am 6425

St. Dr. 2006. K. 287/1 (143)

CHRISTOPHO
RI VARSAVICII EQVITIS
POLONI IN MORTEM MAXI-
MILIANI SECVNDI IMPE-
RATORIS ROMANI
ORATIO.

CVM in alijs rebus, ac rerum humanarum vicissitudinibus, commoueri solemus vehementius, quam vel temporis vel hominis vel damni aut incommodi ratio requirit, tum vero optimi cuiusque occasus, ita nos affligit & prostermit, vt quantum memoria fatalis necessitatis, & naturæ legis, doloris ac mœsticiæ nobis minuit, tantum auget amissi boni illius recordatio. Quanquam enim hominum genus per se ipsum calamitosum atq; miserum, hac vna in re foelix ac beatum censetur, quod pro mortali conditione vitæ immortalitatem consequitur, & pro tot ærumnis atq; molestiis sempiterno gaudio, ac fœlicitate fruitur, tamē fieri nō potest, quo quisq; in vitā melior, aut huic humanæ societati vtilior fuit, vt illius interitus omnibus etiam grauior, atq; iniustior accidere nō videatur. Quo magis, Maximiliani II. Imperatoris Romani immaturam mortē, omnes luge re ac deplorare merito debemus, qui non modo familiam aut posteritatem suam, verum etiam cunctam Christianam Rempub: hoc alieno & periculoso tempore, obitu suo perturbauit. Amisimus enim eum principem in quo summa erant omnia cū firma spe, & præsidio salutis & tranquillitatis publicæ coniuncta atq; copulata. Amisimus imperatorem temperantissi-

munus, moderatorem moderatissimum, parentem patriæ,
conseruatorem Reipub; qui & volebat, & sciebat, & pote-
rat, rebus Christianorum afflictis ac prope ad ruinam in-
clinatis summo iudicio & dexteritate prouidere. Quocir-
ca cum vt reliqui honores omnes, ita etiam laudationes,
quæ proprie eorum sunt qui laudantur, ad eum ornandum
atq; celebrandum nunquam non merito conuerti debent,
cuperem sane vt hoc loco voluntati, parem facultatē in di-
cendo possim afferre. Etenim si Alexander Magnus, non
nisi ab Apelle pingi & à Lisippo fingi voluit, quos ætate
sua duos præstantissimos artifices, eius generis iudica-
bat, quam raro & admirabili ingenio, quam immensa dis-
cendi copia, quanta deniq; eloquentia oportet esse eum,
qui Maximiliani Cesaris, generis claritatem & antiquis-
simam, religionis constantiam, virtutem, probitatem, &
magnitudinē animi pro eo ac par est laudare & celebrare
velit? Ac genus quidem illud cum primo loco poni de-
beat, & cum Inclita Austriæ familia, multorum opinio-
ne inde ab Hercule aut à Priamo ortum ducat, quæ pos-
test ipsius laudibus par oratio inueniri? Quis tot ac tan-
torum Regum & Imperatorum qui ex hac progenie tan-
quam ex equo Troiano prodierunt, virtutes atq; res præ-
clare gestas, valebit non modo complecti orando, sed
etiam percensere numerando? Quis deniq; Rodolphi
magnanimitatem, Alberti primi foelicitatem, secundi sa-
pientiam, Friderici mansuetudinem, Maximiliani fortis-
tudinem, Caroli victorias, Ferdinandi patris istius pieta-
tem non dicam laudare sed enarrare queat? vt minime mi-
rum videri debeat, si tot clarissimis principibus & impe-
ratoribus ortus, ipse etiam præclarus princeps ac Im-
perator fuerit is, de quo verba facturi & quem laudas-
simo sumus, Qui vt primum ex ephœbis excessit, natus

Viennæ

Viennæ Ferdinando patre , & Anna matre , Vladislai
Regis Vngariæ filia , quantas statim fruges produxit
indolis & ingenij sui singularis ? Nam cum Carolum V
patrum suum tanquam domesticum exemplum , ad imi-
tandum prop ositū haberet , & Maximiliani Attai cuius
nomen referebat , fortitudinem adæquare vellet , facile est
consecutus , vt non modo eorum quibus cum vixerat glo-
riam , verum etiam exterorum memoriā , & celebritatē
superaret . Quod cū in multis alijs rebus ac occasionebus ,
tum in illo etiam Smalcaldico bello videre licuit , in quo
Caroli V. castra secutus equitum duorum millium præ-
fectum cum se ille præbuisset , tam vbiq; intere pidus ani-
mus & militaris vigor in eo aparuit , vt Carolus V. qui
Caroli Magni re & nomine successor fuit , ipsius virtutem
& elationem animi admiratus , Mariæ vnicae suæ filia
huius lectissimæ matronæ connubio dignissimum eum
iudicauerit , & totius Hispaniæ ac occidentalis illius quæ
dicitur Indiæ gubernationem illi commiserit . In quam
quidem Hispaniā ipse adueniens , toto eo biennio quo
ibi fuerat , tam præclare se gessit , & tam omnibus gratus
atq; amabilis fuit vt nesciam plures ne aduentus recreasse
aut discescus perturbasse ipsius videatur . Ex Hispania au-
tem vt venit , Genuam Ligurum Metropolim non sine pe-
riculo mari vectus , quo tempore in eum morbum , ac cor-
dis palpitacionem , quæ ipsi mortem attulit , primū inci-
derat , quas obsecro ab vniuersa Italia humanitas signifi-
cationes aut congratulationes non habuit ? aut qualem
tum demum cum in Germaniā reuerteretur parentis , tra-
strum , & propinquorum suorum læticiā , omnium deniq;
que Germanorum beneuolentiā erga se non prespexit ?
Iam tum haud dubie non difficilis coniectura fuit , quis es

rat non modo Caroli Cæsaris sed etiam Ferdinandi Regis
successor in imperio euasurus. Nemo enim fere Germano-
rum Ducum aut Electorum dici poterat, qui si ad nouā
Cæsaris electionem veniebatur, omnibus alijs domus
Austriacæ principibus Maximilianum tum Archiducem
Austriæ, præferendum non arbitraretur. Qui quaquam
religionis auitæ & orthodoxæ obseruantissimus sem-
per fuit, nec ad vllas peruersarum opinionum vias deflec-
tere voluit, tamen nescio quomodo etiam nec ab ijs qui
huius seculi errore alio declinauerant tantopere abhorre-
bat, & miseratione quam odio digniores iudicabat. Qua
temperatone moderationeq; animi, non modo incredi-
bilem omnium, beneuolentiā & summam prudentiæ
laudem sibi conciliauerat, sed etiam certam quandam vi-
am & rationem ingressus esse videbatur, ad saniorē men-
tem, religionisque vnitatem homines reducendi. Multi
enim quos nec vis arcere, neque argumenta expugnare
queunt, officio & humanitate flectuntur. Vt igitur primū
Carolus V. patruus ipsius diem suum obiit cuius res ge-
ste (vt breuiter dicam) iisdem quibus solis cursus regio-
nibus, atq; terminis continentur, Ferdinandus pater in
imperium successit, quo adhuc viuente, hic nostri Maxi-
milianus rara fœlicitate, & mira celeritate tria maxima
diademata regnorum & Imperij assecutus est, Regni vi-
delicet Bohemiæ primum, Secundum Romanū Imperij,
terrium Vngariæ, hoc Possoniū, Bohemicum Pragæ, il-
lud Francforti. Omnia autem non eblanditis sed enuclea-
tis suffragijs, & summa non modo ordinum verum etiam
hominum consensu accedente, vt difficile iudicares, v-
trum ex tot regnis splendoris illi, an vero eo electo regnis
ipsis gloriæ plus accesserit. Et nihil planè, quamuis seculi
istius liuor & vindictæ cupiditas maxima existat, Ca-
roli V.

roll V. patruī in duos illos Germaniæ regulos iusta anī
maduersio ei nocuit. Nihil á Ferdinando patre de paucis
nonnullis rebellibus Bohemis sumptum suppliū obsta-
culo aut impedimento fuit, nihil deniq; illa vox & puer-
sa opinio quæ familiæ Austriacæ continuata stirpe virtus
ris diuturnæ successioni in imperio inuidebat, facessere
negocij potuit, vt ornamentum dignitatis quam detris-
mentum libertatis Germanicæ ipsius electio non potius
iudicaretur. Iam vero postquam patre mortuo, admini-
strationem Imperij, nodosam illam quidem & intricatam
est ingressus, an quo genere & semine ortus esset, & quā-
tam virtutis expectationem sustineret, & in quanta deniq;
authoritate apud omnes haberetur, non protinus appa-
ruit. Narrant enim Solijmannum illum Turcarum tyrannū
superbissimum, qui numerum annorum suorum
triumphis & victorijs pene æquauerat, fortunæ ac prus-
dentia istius opinione, pacis colendæ ita cupidum cum
eo fuisse, vt mortuo Ferdinando Casare ad eum ablega-
re nuncium eius rei causa minime dubitauerit. Qui nos-
stro obuiam factus, & ex itinere reuersus, hac tam nimia
nostrorum festinatione tam insolentem tyrannum red-
didit, vt non multo post ingenti exercitu Vngariam So-
lijmānus petere, ac Viennam denuo oppugnatione tenta-
re voluerit. Ad cuius ille aduentantis famam, Conuentu
Augustæ coacto, tantas non modo ex Germania sed etis-
am ex Italia atq; ex Hispania suppetias contra eū habuit,
vt non tantum Pannoniæ auxilio, verum etiam Turcarum
viribus excidio esse potuisse videretur. Quo magis non
defuerunt ij qui tanto & tam valido exercitu coadunato
occasione rei bene gerendæ, & profligandi Turcæ as-
misisse eum dicunt. Sed tamen qui sine perturbatione
animi sine odio & cupiditate de ipsius hoc facto & insti-
tuto ius

tuto iudicabant, qui uè utriusq; exercitus vires, naturam
disciplinam, consuetudinem, omnia deniq; rerum ac tem-
porum momenta diligentius expendebant, illi profectio
non minus casu foeliciter, quam consilio prudenter eius-
modi deliberationes ipsius, terminatas fuisse censuerunt.
Etenim ubi de tot regnorum ac prouintiarum salute agi-
tur, accurate & diligenter singula consideranda & ponder-
anda sunt, antequam vnus diei prælio summam rerum
committas, quod pugnam vnus hominis vox, solis radis
us vel caligo, locus incommodus vel decliuus, vno mo-
mento saepe perturbat, & quod prudens Imperator non
tam pro præda aut etiam pro inani gloria quam pro salu-
te & pro imperio, nec tam voluntate quam extrema ne-
cessitate vniuerso exercitu confligere ac pugnare debet.
Quod ille prospiciens, & exercitum illum nō tam ex mer-
cenario milite quam ex flore ipso nobilitatis suæ collec-
tum habens rationi atque tempori obediendū esse, quam
vocibus imperiorum potius arbitrabatur, & cum à ripa
Danubij longius progredi propter exercitus commea-
tum qui frigore etiam premebatur ratio militiæ fore in-
consultissimū ostenderet, meliori fortunæ se suosq; seruare
quā dubio & cōmuni Martis euentu, de imperio certare,
cū hoste crudelissimo maluit. Turpis siquidē audacia est
quam interitus sequitur. Ad eū modum ille Segetū quidē,
& Guilam castra in Vngaria amisit. Sed nihilominus tas-
men Turcicam rabiem ita fregit, vt Solijmanni morte &
magnæ partis exercitus illius interuentione eam iacturam
compensasse videretur. Iam vero cum ad veterum tumultu-
uum & factionum semina in Germania excitanda, alio-
rum studia & conatus inclinarent, per Augustū Sas-
xonæ electorem opulentissimum & animosissimū Du-
cem, Gotta expugnata, & de paucis Imperij rebellibus
sumpto

sumpto supplicio, ita repressit, ac omnem belli facem sustulit, vt difficile dictu sit, facti ne celeritatem, an consilij dexteritatem, an vero moderationem animi ipsius in victoria magis prædicare debeam. Quo eodẽ propemodum tempore, Sigismundus Augustus Rex Poloniæ, Catariam Austriacam coniugem suam, ipsius autem sororem foeminam omni posteritatis memoria dignissimam haud sane inuitam ad eum remiserat. In quo etiam ille casu quanta prudentia aut patientia vsus fuerit, res demonstrat, cum illud vicini & affinis regis factum, dissimulanter ferendũ, & quieti ac tranquillitati publicæ donandum, quam alia qua seueritate aut violentia persequendum potius arbitraretur, haud sanè alia spe & opinione ductus, nisi quod Poloni hanc tantam lenitatem & mansuetudinem illius (vt debebant) admirati, Sigismundo Augusto eorum rege, sine prole moriente, aliquem ex ipsius filiis eligere debuissent. Qui cum tandem anno ætatis suæ tertio & quinquagesimo Cinschini obiisset, & res ad interregnum in Polonia deuenisset, misit è vestigio ad regni illius ordines legatos præcipuæ authoritatis viros, Guihelmum Rossembergium & Vratislaum Pernestanum, vtrumq; & generis claritate, & rerum experientia & facundia maxima præditum, per quos vt Ernestum Archiducem Austriæ in regem eligerent ab eis postulabat, oblati cum eo multis & amplissimis illi Reipub: commodis & emolumentis. Verum cum postea in Henricum tum Andium ducem, Caroli non Regis Galliarum fratrem, electio illa cecidisset, tantum absuit, vt eo offenderetur, vt etiam Stanislaus Slupetio Lublinensi Castellano nullam non beneuolentiæ & humanitatis suæ significationem declarasse videretur, qui partim officij, & ordines excusandi causa, partim vero liberum per Germaniam transitum Polonos

B

rum legas

rum legatis in Gallias ituris petendi ad eū aduenerat. Et poterat ille certē vel statim Sigismūdo Augusto mortuo, vel etiam post Henrici electionē ipsam Poloniam ingredi, & quod alia quauis viā vix obtēturus esse iudicabatur vi, & armis experiri. Sed cum pro sua maxīma prudentia, longē prospiceret, quid eo non modo Poloniæ regno, tanquam quodam Europæ propugnaculo, verum etiam vniuersæ Christianæ Reipub; incommodare posset abstīnendum à cæca & præcipiti cupiditate dominandi, quam tranquillitatem publicam perturbandam potius existimauit, propter memoriā nominis sui sempiternam. Siquidem cum inuidiosis opibus, & cum lubrica libidine regnandi immortalitas gloriæ pessime commutatur. Vt ergo Polonis eam regum eligēdorum libertatem, inuidere aut eripere nunquam voluit: Sic & regem eorum electum per Germaniam transire liberē permisit, nullo non adhibito genere hospitalitatis & humanitatis. Qui cum non multis postea interiectis mensibus Galliam repeteret, fractura mortis & extrema illius regni necessitate euocatus, quā splendidē quæso atq; honorifice Viennæ ab eo exceptus est? & quanta fidei constantia, perpetuo cultus atq; obseruatus? Mirum erat multis, Galliæ & Poloniæ Regem ad Cæsarem Maximilianum Viennam inopinātō aduenisse. Sed multo admirabilius tam mirificē recreatum, & tractatum discessisse. Repetebantur veteres, Regum Gallorum cum familia Austriaca similitudines, vrbes Romano imperio ab eis ademptæ commemorabantur, ipsa deniq; in petitione Regni Archiducis Ernesti repulsa notabatur, sed quanto hæc omnia diligentius examinabantur, aut quanto multorum sermonibus crebrius vsurpabantur, tanto & imperatorem in eo hospite honorificē tractando, alacriorem, & in fide seruata gloriosorem faciiebant,

ciebant, qui nec humanitatis suæ esse putauit, eum violare, quem iure hospitij suscepisset, nec ullos contractus ratos, fieri posse, quos necessitas expressisset. Ego vero videamus an vel eo tempore dissimilis sui fuerit, cum Poloni ad noui regis creationem bis indictis comitijs tandem geminam electionem ediderunt. Nemo sanè ignorat, quā maxima solennitate, & quam legitima potestate, Cæsar Maximilianus, ab Archiepiscopo Gresnensi in Regē Poloniae appellatus, idemq; a supremo Regni Marscalco renuntiatus fuit, & quanta eorum qui eum elegerant consensione expetitus. At enim nihilo plus arridentis fortunæ beneficio ille elatus, in tam ancipiti, & vario casu, tanta moderatione animi prudentiaq; utebatur, ut in eis qui ab eo dissentiebant ad cōcordiam reducendis nihil non tentandum quā in Poloniam proficiscendum prius arbitraretur. Quā in cogitatione cū dies ac noctes versaretur, & salutē ac tranquillitatē publicam omnibus suis priuatis commodis & utilitatibus anteferet, occasionem, quæ adipiscendū regni tum videbatur esse opportunior neglexit, & amisit. Quāquam si diuturniorem vitam fata inuidere illi non voluissent, quid adhuc facturus fuisset incertum fuerat, maxime quod indictis Ratisponæ imperij comitijs, in quibus vitam cum morte commutauit, tanta ab vniuersis statibus, & ordinibus Germaniæ auxilia, & pecunias impetravit, quantas haud scio si alicui imperatori Romano ab iisdem statibus & ordinibus datas atq; cōcessas fuisse memorant, quibus ille non in viscera Christianitatis sæuendo, aut vāsanam ambitionem prosequendo sed ab imminentī interitu atq; seruitute Turcica orbem Christianum defendendo, uti cogitabat. Ex quibus sane consilijs, moribus, & actionibus ipsius, facile depræhendere licet, quis & quantus Imperator ipse fuerit, tamen sunt adhuc alia

penè maiora, quibus illi raram, & admirabilem prudentiam, foelicitatem, & dexteritatē suam, omnium deniq; beneuolentiam erga se orbi terrarū declarauit. Quis enim non admiretur, quod quemadmodū ipse in locum patris passim & ubiq; suffectus est: ita & filium suum summæ virtutis & expectationis principem, omnium earundem dignitarum, & regnorum successorē constituit. Et cum Germania ad res innouandas (vt plerumq; fit) prona esse soleat, cum Hispania externorum principum dominatum difficulter ferat, hanc quoad illi cum imperio præfuit, tanstotopere eum coluisse, Germaniam vero eo uiuente semper peccatissimā fuisse, à quo tandē prudentiæ & virtutis opus id nō maximū censeatur: nihil est enim quā bene imperare difficilius, etiā si imperandi copia à permultis expectatur. Iam si reliquas animi, & corporis ipsius dotes, enarrare siue prædicare quis velit, Nestoreo quod Poætæ aiunt aut Vlyssæo flumine eloquentiæ an non indigeat? Nam præter quod à natura ita formatus fuit, vt vel aspectu solo ab ijs etiam qui eū antea nunquam nouerant summus Monarcha iudicaretur, tot itam ornamenta animi & tam mirificam gratiam in dicendo habuit, vt quod Homerus de Græcorum illo facundissimo dicere solitus erat, quod ex ipsius ore melle dulcior fluxit oratio, hoc idem & de Maximiliano nostro iure ac merito dicamus. Quis enim ab eo mæstus? Quis non recreatus vnquam discessit? Quis petiuit qui si non illud quod peteret impetrare, tamen summam beneuolentiæ significationem referre ab eo non videretur? Magna sunt beneficentiæ ac liberalitatis illius erga multos documenta, grata memoria affabulitatis, signa virtutis, cum ille in audiendis vel infimorum precibus, aut querelis nunquam defatigari, aut pati satietatem putaretur, sed cum Germano Germanicè, cum Hispano


spano Hispanicè, cum Italo Italicè, cum Gallo Gallicè, cū Bohemo Bohemice, Latine deniq; cum omnibus ad admirationem loqueretur. Nec esset vllum scientiæ genus, aut doctrinæ quod illū effugeret. Nota ei fuit inde à pietatē rei militaris scientia, erat non contemnenda & raro alioqui in præaltis principum domibus habitari solita literarum cognitio, artes postremo vniuersæ belli, & pacis quibus ille non ad ostentationem, sed ad necessitatem, nō ad priuatum commodum, sed ad publicam vtilitatem vtebatur. Quid ego de pietate in Deum? quid de religionis obseruantia ipsius loquar? quæ cum aliàs admirabilis semper in eo fuerit, tum vero in hac ipsa extremitate vitæ adeo enituit, vt ille rerum omnium humanarū cura postposita nihil aliud, præter diuina, & cœlestia meditaretur, & nō tam de corporis quam de animæ salute amplius cogitaret. Qua mente præditus, & desiderio inflammatus, postquam nonum & quadragesimum annum paucos ante dies exegisset, die Maximiliano Sacro, eoque ipso quo tanta & tam longa imperij Comitia pro ipsius voto, & publica necessitate claudebantur, vitā quoq; clausit, & eademū hora, qua Rodolphus filius ordinibus imperij gratias egit, ad deum preces fundendo & gratias agendo animam ille exhalauit pro quo ipso cumulatur nunc ipsius acta vita immortalitate & beatitudine sempiterna. Quæ cum ita sint, mortem quidem eius quæ naturæ debita & necessitati reddita est non miremur, sed tali ac tanto principe & tam alieno, ac periculoso tempore Christianam Rempublicam esse orbatā, vere & ex animo cuncti doleamus. Quis enim Maximiliano II. Imperatore Romano post hominū memoriam melior? Quis sapientior? Quis ad Rempublicam gubernandam aptior, aut exercitator dici aut inueniri potuit? Quis excellentior cognitione linguarū, experientia
rerum,

eorum, cura cogitatione, & doctrina? Ille quod nec Ros-
dolphus magnitudine animi, neq; Albertus fortuna, neq;
Maximilianus armis, neq; Carolus potentia potuit, sa-
pientia, & dexteritate sua continuauit, ac effecit. Illius be-
neficio Germania valet opibus, pace fruitur Vngaria, fœ-
lix est beata Boëmia, Ille iudex regum, ille pacificator
gentiū. Ille moderator nationum fuit. Illius industria hos-
tes infirmabantur, amici augebātur, subditi in officio te-
nebantur. Ille optimum successorem imperij, ille viuum
imaginem sui, ille sobolem præstantissimam, ille normam
gubernandi moderatissimam reliquit, ac dedit. Ille verè
author legum sanctissimarum, ille cultor disciplinarum,
ille mœcenas scientiarum dicebatur. Ille exemplum casti-
tatis egregiæ, ille custos cōtinentiæ, ille parens patriæ, ille
conseruator Reipub: fuit. Iam vero proh dolor tantus vir,
tantus Monarcha, tantus imperator iacet. Ad quem nunc
confugiemus? cū quo tam familiariter colloquemur? Cu-
ius ope cuius auxilio cuius prudentia innitemur? Nunc
Nunc demum videre licet quam stulta & fragilis sit cōdis-
tio rerum humanarum, quam caduca & momentanea for-
tuna, quantis malorum telis vita nostra exposita, quā mi-
sera, quā brevis, quam incerta. Quo euauisti pater? Quo
raptus es Imperator? Hem quò spēs fallaces, quò cogita-
tiones nræ abierunt? O natura nouerca quæ ceruis, coruis
serpentibus, alijsq; animantibus vitam dedisti longissimā,
cur exiguū curriculū hominibus circū scripsisti? sed que-
relæ ne tum quidē gratæ quando inutiles fiunt, et si credito-
res iure suo repetunt, q̄ mutuo dederunt, quid nos etiam
animam creatori suo non demus, quam ab eo accepimus?
Vt igitur eū qui obiit nihil minus, quam mortem extimuis-
tescimus: Sic vitam etiam ipsius laudandā & virtutē imi-
tandam, quam mortem lugendam potius arbitremur.

FINIS.



32



900—

